



Vitæ D. N. Iesv Christi Monotessaron Evangelicum

Heser, Georg

Monachii, 1657

55. De Transfiguratione Christi.

Nutzungsbedingungen

[urn:nbn:de:hbz:466:1-56533](#)

AB ANNO XXX. 49

meam, & portæ inferi non prævalebunt ad-
versus eam. *Matth. 16. v. 15. 16. 17. 18.*

III. Et tibi dabo claves regni cælorum.
Et quodcumque ligaveris super terram, erit
ligatū & in cælis: & quodcumq; ssolveris su-
per terram, erit solutum & in cælis. *Idem di-
citur omnibus Apostolis Matth. 18. v. 18.*

IV. Tunc præcepit discipulis suis, ut
nemini dicerent, quia ipse esset Iesus Chri-
stus. *Matth. 16. v. 20.* Comminatus est
eis, ne cui dicerent de illo. *Marc. 8. v. 30.*
At ille increpans illos, præcepit, ne cui dice-
rent hoc, dicens: Quia oportet filium ho-
minis multa pati, & reprobari à senioribus,
& principibus Sacerdotum, & Scribis, & oc-
cidi, & tertiâ die resurgere. *Luc. 9. v. 21.* *Et*
22. Marc. 8. v. 31.

MEDITATIO LV.

De Transfiguratione Christi.

I. **A**ssumpsit Iesus Petrum, & Iacobum,
& Ioannem fratrem ejus, & ascendit
in montem, ut oraret: & duxit illos in mon-
tem excelsum seorsum solos. *Matth. 17. v. 1.*
Marc. 9. v. 1. Luc. 9. v. 28.

II. Et facta est, dum oraret, species vul-
tus ejus altera, & vestitus ejus albus & re-
fulgens. *Luc. 9. v. 29.* Transfiguratus est an-
te eos: & resplenduit facies ejus sicut sol;

C vesti-

50 ACTA CHRISTI

vestimenta autem ejus facta sunt alba sicut nix. *Matth. 17. v. 2.* Transfiguratus est coram ipsis : & vestimenta ejus facta sunt splendentia, & candida nimis velut nix, qualia fullo non potest super terram candida facere *Marc. 9. v. 1. Et 2.*

III. Et ecce apparuerunt illis Moyses & Elias : *Matt. 17. v. 3.* & erant loquentes cum Iesu. *Marc. 9. v. 3.* Et ecce duo viri loquebantur cum illo : erant autem Moyses & Elias, visi in majestate, & dicebant excessum ejus, quem completurus erat in Ierusalem. *Luc. 9. v. 30. Et 31.*

MEDITATIO LVI.

De voce Patris cælitus allapsâ.

I. Petrus verò , & qui cum illo erant , gravati erant somno. Et evigilantes, videbunt majestatem ejus , & duos viros , qui stabant cum illo. Et factum est , cum discederent ab illo , ait Petrus ad Iesum : *Luc. 9. v. 32. Et 33.* Domine , *Matth. 17. v. 4.* Rabbi, *Marc. 9. v. 4.* Præceptor , bonum est nos hic esse. *Luc. 9. v. 33.* Si vis , faciamus hic tabernacula , tibi unum , Moysi unum , & Elias unum : *Matth. 17. v. 4.* nesciens , quid diceret ; *Luc. 9. v. 33.* erant enim timore exercitati. *Marc. 9. v. 5.*

H. Hac